



**Clara Et Praeclara Methodus Parandæ Eloquentiæ,
Secundùm Doctrinam & Præcepta Cypriani Soarii è
Societate Jesu, Ad Captum Et Praxim Faciliorem
Accommodata**

Worpitz, Georg

Coloniæ Agrippinæ, 1700

§. XIII [i. e. XII]. De Repugnantibus.

[urn:nbn:de:hbz:466:1-68908](https://nbn-resolving.de/urn:nbn:de:hbz:466:1-68908)

modicum gaudium index tristitiae , uti enim diem sequitur nox, ita bonum malum ; ante ruinam exaltatur Spiritus , & multi tolluntur in altum , ut lapsu graviori ruant : ex pueritia & adolescentia etiam colligere solemus qualis quis in adulta ætate futurus sit. Sed horum aliqui, quia non habent necessariam cum consequenti connexionem, ideo cum delectu accipienda sunt.

Hic locus non multum confert ad amplificationem , est enim valde sterilis & exsuccus. Valet tamen ad validè & acutè perurgendum. v. g. è taberna visus es exire , & in ea te fuisse inficiari audes? multa nomina in Mercatorum Cauponumq; officinis contraxisti, & exsolve-re recuses? nondum manè erat , & vesperum affirmabas. Nondum orientem viderat tellus, & oecidentem arbitrabaris Jam triumphum canis, de victoria tibi plaudis , & belli arenam non subiisti. Senem te futurum existimas, qui in virum adhuc non evasisti. &c. Hinc patet.

Regula pro formando argumento , videlicet, ut eorum aliquid præmittatur , alterum sublequatur, affirmando vel negando. v. g. educuntur milites in campum , ergo erit bellum. Non est multum oblitus , igitur parùm scivit: perdidit cum crumena augentum , ergo habuit. Judas retulit argenteos, quare accepit. Convaluit, ergo fuit infirmus. Emendavit vitam, ergo male vixit.

§. XIII. De Repugnantibus.

Repugnantia sunt, quæ inter se disconveni-

E

unt,

unt, seu, quæ non possunt esse simul; non ratione sui vel propter se; sed ratione unius ex contrariis, à quo proveniunt: sunt enim repugnantia unum ex contrariis & alterius contrarii effectus; unde, quemadmodum ipsa contraria non possunt esse simul, ita neque se ista compatiuntur, propter illud contrarium, cuius effectus sunt. Hinc pugnant non ratione sui, quemadmodum contraria, sed ratione contrarii à quo proveniunt; hac de causa dicitur in Rhetorica, quod repugnantia neque certa lege neque numero inter se dissidenteant, sicut contraria dissident; nam lex contrariorum est, ut per se, & ratione sui, & immediate sibi opponantur; quia scilicet unum per se, non per aliud tollit alterum immediatè v. g. frigus, calorem; amor odium; at repugnantia non opponuntur sibi immediatè, sed mediante illo contrario, cuius effectus sunt; & unum repugnans non tollit alterum, nisi sublato illo contrario, à quo provenit v. g. rigor digitorum, tremor membrorum in hyeme, rubor nasi &c. non tollitur per calorem, nisi prius sublato frigore; lacerare, verberare, convitiari, non tollitur nisi sublato odio, à quo dicta proveniunt. Numero autem à contrariis distinguitur; quia in contrariis tantum sunt duo, quæ sibi opponuntur, non plura; at in repugnantiis sunt plura; amori enim non tantum opponitur verberare, sed & furari, destruere, convitiari, impedire in promotione ad dignitates &c. Hujus ratio est, quia plures sunt effectus

fectus unius contrarii, quām unus tantum. Et per hoc etiam à dissimilibus distinguuntur, quia licet dissimilia etiam inter se disconveniant, sicut repugnantia, in dissimilibus tamen tantum duo sunt, quæ sibi disconvenire ostenduntur. Hic autem plura. Ex his.

Collige modum inveniendi repugnantia esse istum: accipe duo contraria, tum vide, quales effectus habeat unum ex illis: dehinc accipe illos effectus, combina cum altero ex contrariis, & habebis repugnantia. V. g. modestus, & immodestus sunt contraria: jam vide quid soleat facere immodestus, & hoc oppone modesto, unde sic argues modestus es, & circumfers oculos in templo, & compitis, clamore cachinnaris, brachia seminantis instar jactas, curris &c. Es sobrius & nunquam es sine cantharo in ore, sine vertagine in capite, sine trepidatione in pedibus, sine turbitatione in mente, sine hæsitatione in lingua &c. Catholice te profiteris & exomologesin, sanguinemque sacram non curas, carnes voras in quadagesima, opera bona contemnis. &c. Impositum memoriæ pensum callere te affirmas, & ad quodlibet verbum hæsitas, ad singulas voces inspicis, vel suggeri tibi cupis, ultima primis, media ultimis permisces?

Regula pro formando argumento est eadem, quæ contrariorum. Unde sicut in contrariis uno negato contrario, non potest affirmari alterum (nisi quando inter illa non datur medium) ita nec hic, nam non bene infero a

Et

non

non videt, ergo est cæcus, medium enim est claudere oculos, non tantum dum dormit, seu etiam dum vigilat. Solùm ergò affirmativè procedit argumentum, ità ut uno affirmato ex repugnantibus, alterum negetur, & quidem supposito quod sint effectus unius contrarii, si enim non sint effectus, tunc argumentum fallit, v. g. Parens castigat, convitiis afficit filium, ergo non amat &c. fallit seu falsum est, quia potest castigare non ex odio, sed ex amore, quo filio vult bene; ut nempe sit probus, & aliquid addiscat. Sic etiam non sequitur, sanctus Pachomius Eremita habitum sacerdotalem induit, cauponam adit, cum meritrice converfatur, ergo est sceletatus; quia effectus hi non proveniunt ex amore peccati, sed boni, ut scilicet meritricem convertat, quod & factum est. Unde patet non necessariò concludi & formari argumentum infallibile ex hoc loco, sed priùs attendendum, an horum repugnantium causa (nempe contrarium) subsit, & subsistat? si subsistat, adest campus & sylva pulcherrimæ amplificationis propter multiplicatrem effectuum seu repugnantium, & datur occasio acriter pungendi, & urgendi adversarium ut patet ex exemplis suprà allatis.

Nota quosdam esse, qui dicunt legem contrariorum esse, ut sibi immediatè opponantur, seu inter contraria non dari medium, dari autem inter repugnantia, & per hoc repugnantia à contrariis distingui: quod licet verum sit de negantibus relativis & privantibus, non tam

men de adversis. Nam inter nigrum & album
datur medium, rubrum , viride, inter amorem
& odium similiter, quia possum Petrum quem
non novi , & de quo nihil audivi , nec amare,
nec odisse. Sic etiam inter bellum & pacem
datur armistitium , & in infante nec vitium,
nec virtus. Tenenda igitur superius dicta lex,
quod nempe unum contrarium alteri per se ,
non per aliud opponatur. & unum per se , non
per aliud tollat alterum; Repugnantia autem
non per se , sed per contrarium sibi opponan-
tur & sese tollant.

§. XIV. *De Causis.*

Causa est , quæ sua vi efficit &c. hoc est , cu-
jus potestate & virtute influente , fit aliquid ,
quod a me non fuit. Seu est id , à quo aliquid
oritur naturaliter, vel moraliter. Quando o-
ritur naturaliter, vocatur causa physica; quan-
do moraliter , id est , dirigendo ; instruendo ,
consulendo , mandando , dissimulando , &c.
est causa moralis.

Nota verò efficere , quod ponitur in defini-
tione, non esse strictè accipiendum (aliàs quæ-
libet causa, etiam finalis, formalis & materia-
lis erit efficiens) sed laxè , & hoc sensu, ut signi-
ficeret idem, quod facit ad esse rei, vel dando es-
se, & tunc est causa efficiens ; vel constituendo ,
& tunc est formalis ; vel recipiendo esse , tunc
est materialis ; vel dirigendo & movendo ad
esse, quod facit causa finalis. Hoc autem sig-
nificatur per particulam suā vi, id est , virtute
sibi propriā, vel activā, vel passiva, vel forma-